



Anna Wangenheim /
Inatsisartunut ilaasortaq, Demokraatit
inatsisartut@ina.alla.gl

§ 37 naapertorlugu apeqqutip nr. 250/2024-p akineqarnera.

Asasara Anna Wangenheim

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uagutsinnit akisassanngorlugit innersuussutigineqartut qujassuteqarfigaagut.

Apeqqutit issuarneqartarput tamatumalu kingorna akineqarlutik.

1. Innuttaasut qaqugu naatsorsuutigisinnaavaat, nunatsinni ataavartumik tarnip pissusaanik ilisimasalimmik nakorsaqaalernissamik, soorlu naatsorsuutaasimasoq danskit aningaasaqarnermut inatsisaani 2024-mi atuutsilersumi?

Akissut:

Qallunaat 2024-mut aningaasaqarnermut inatsisaanni katillugit 3,3 mio. kr.-nik immikkoortitsisoqartoq, ilisimatitsissutigineqarsinnaavoq. Ukiuni pingasuni (ukiumut 1,1 mio. kr.-t), ukiuni 2024-2027, eqqarsartaatsikkut nappaatinut nakorsamik Dronning Ingridip Napparsimmavissuanut aalajangersimasumik attuumassuteqartumik tapertaasussamat aningaasaliinissamat. Aningaasat SSA-mi sillimmatit, isumaginninnermut, peqqissutsimut aamma suliffeqarfeqarnermut suliniutinut atorineqartartut aqutugalugit aningaasaliissutigineqarput.

Indenrigs- og Sundhedsministerietip nittartagaani suliniummi nassuiaatit tulliuuttu atuarneqarsinnaapput:

*"Eqqarsartaatsikkut nappaatinut nakorsamit Kalaallit Nunaannut tapersersuineq 3,3 mio. kr.-nik immikkoortitsisoqassaaq, taamaalilluni siunissami qitiusumik peqqissaaveqarfinni nakorsamik immikkut ilisimasalinnut atorfimmik ataatsimik imaluunniit arlalinnik piffissami aalajangersimasumi "Kalaallit Nunaanni atuuffittut" saqqummiunneqarsinnaassamat. Tamatuma kingunerisaanik Dronning Ingridip Napparsimmavissuani eqqarsartaatsikkut nappaatinut nakorsamik aalajangersimasumik ikiuussinnaasoqalissaaq."*¹

Peqqinnissaqarfiup suliniutip piviusunngortinneqarnissaanut aamma atulersinneqarnissaanut siunertaqartumik Region Hovedstaden oqaloqatigineqartoq ilisimatitsissutigineqarsinnaavoq. Region Hovedstadenip eqqarsartaatsikkut nappaatinut nakorsamik Kalaallit Nunaanni atorfeqartartussamik sulisussarsiornissaaq 2025-mi

¹ <https://www.ism.dk/nyheder/2023/november/191-mio-kr-til-initiativer-paa-sundhedsomraadet-fra-ssa-reserven-#:~:text=Regeringen%20og%20partierne%20bag%20SSA-reserven%20er%20nu%20enige%20om>

10-01-2025
Suliap normua: 2024 - 24498
All. nr. 24914811

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanaq.gl
www.naalakkersuisut.gl

kvartalimi siullermi naatsorsuutigaa.

2. Qaqugu Naalackersuisut innuttaasunut killiffimmik ilisimatitsiniarpat, danskit naalagaaffiat peqatigalugu isumaqatiginninniarnermi 140 mio.kr. nalinganut, nunanut allanut katsorsaanerme aningaasartuutaasartunut, Danmarkip siunissami akilertagaligassaannut?

a. Suliassat suut tigussaassut Danmarkip akilertalissavaai?

b. Qanoq sivisutigisumik isumaqatigiissut atuutssava?

Akissut:

Peqqissutsimut naalackersuisoqarfik danskit Indenrigs- og sundhedsministeriaqarfiannik, 2025-2028-mi aningaasaliissutit ukiumut 35 mio. kr.-t piviusunngortinneqarnissaannut iliuusissat pillugit 11. december 2024-mi ataatsimeeqatigiipput. Danskit ministereqarfiannut isumaqatigiissuteqarnissamut missingiussaq januaarimi 2025-mi saqqummiunneqarnissaa naatsorsuutigineqarpoq, tamatuma kingorna Naalackersuisut isumaqatigiissutip imarisaanik sukumiinerusumik paasissutissiissapput.

Aningaasaliissutit napparsimasut (timikkut nappaatit pillugit) nunani allani katsorsarneqartarnerisa ilaannaanut akiliutaapput. Aningaasanut Inatsit 2025-mi katillugit 156 mio. kr.-t missaanniittunik napparsimasunik nunani allani katsorsaasarnissamut immikkoortitsisoqarpoq.

3. Naalackersuisut qaqugu killiffimmik isumaqatigiinninniarnermut ilisimatitsiniarpat tarnikkut napparsimasunut immikkoortortami R3-mi Riskovimi inissap 17-issaanut suliniuteqartoqarneranut? (Kalaallit Nunaanni imaluunniit Danmark)

Akissut:

R3-mi Risskovimi inissat 17-issaannut isumaqatigiissummut missingiussamik saqqummiussisoqarsimasoq Peqqinnissaqarfiup ilisimatitsissutigaa, taanna Peqqinnissaqarfimmi qullersat atsiorpaat. Isumaqatigiissut inaarutaasumik Region Midtjyllandimi suli akuerineqanngilaq. Tamanna januaarimi 2025-p ingerlanerani pissasoq, Peqqinnissaqarfiup naatsorsuutigaa. Taamaalliluni inissat 17-issaat septembarimi 2025-mi atulerneqassaaq, Region Midtjylland illumut tunngasunik naleqqussaasussaammat.

Aningaasartuutit Aningaasanut inatsimmi kontomi 24.11.02-mi, inissamut tassunga immikkoortitsiffiusumit akilerneqassapput.

4. .Nakorsaatit suut kræfteqalissutaasinnaasut Danmarkimi inerteqqutaalernikut, nunatsinni suli atuutsinneqarpat? a. Naalackersuisut nassuiaateqarsinnaappat, suna pissutaanersoq nakorsaatit pineqartut inerteqqutaasut Kalaallit Nunaani suli atornerannik?

Akissut:

Apeqqummut tunngavilersuutigineqartumut nakorsaatit suut pineqarnersut erseqqarinngilaq. Nakorsaatit Peqqinnissaqarfimmi aamma Kalaallit Nunaanni inunnut sullissivinni allani kiisalu nakorsaatit pisiniarfinni pisiarineqarsinnaasut tuniniarneqartut atorneqartullu, tunngaviusumik Danmarkimit eqqussorneqartartut aamma Europa-Kommissionimit imaluunniit Danmarkimi Nakorsaatit pillugit Aqutsisoqarfimmit akuerineqartut oqaatigineqarsinnaavoq. Nakorsaatit Danmarkimi atorneqartartut assigalugit akuerineqartarnerannik suliaqarneq aamma nakkutiginninneq tamatuma qulakkeerpaa.

Suliassaqarfimmi aalajangersakkanik atuutsitsinngitsunik, nakorsaatinik nunanit allanit Kalaallit Nunaannut eqqussinissamik periarfissaqartitsisunik peqartoq ilisimatitsissutigineqarsinnaavoq.

Med venlig hilsen

Inussiarnersumik inuulluaqqusillunga



Agathe Fontain